

馬戴

李頻

項斯

會昌進士詩集目錄

太學博士 馬戴 虞臣

春恩

送從叔赴南海幕

江行留別

將別寄友人

客行

過野叟居

答光州王使君

下第再過崔邵陽居

夕次淮口

落日懷望

早發故山作

下第別邵秩

寄終南真空禪師

長安贈賈島

秋郊夕望

贈越客

送顧非熊下第歸江南

汧上勸舊友

送狄參軍赴杭州

過故人所遷新居

落照

宿崔邵陽池別墅

楚江懷古三首

遠水

夕發邠寧寄從弟

贈別北客

夜下湘中

送呂郎中牧東海郡

山行偶作

巴江夜猿

送田使君牧蔡州

崔臺怨

早發故園

贈別江客

宿翠微寺

霽後寄白閣僧

送僧歸金山寺

新秋雨霽宿王處士東郊

關山曲二首

塞下曲二首

廣陵曲

送人遊蜀

宿無可上人房

旅次夏州

同莊秀才宿鎮星觀

鶴雀樓晴望

贈淮南將

寄賈島

湘川吊舜

送僧歸闍中舊寺

寄遠

經咸陽北原

冬日寄洛中楊少尹

浙江夜宿

寄西岳白石僧

同州冬日陪吳常侍閑宴

答鄺時友同宿見示

題僧禪院

懷故山寄賈島

灞上秋居

寄崇德里居作

留別定襄盧軍事

懷黃頗

長安書懷

別家後次飛狐西即事

邊城獨望

旅次寄賈島兼簡無可上人

送國子韋丞

洛中寒夜姚侍御宅懷賈島

山中寄姚合員外

下第寄友人

離夜二首

送從叔重赴海南從事

送顧少府之永康

襄陽席上呈于司空

集宿姚殿中宅期僧無可不至

河梁別

送杜秀才東遊

隴上獨望

邯鄲驛樓作

題青龍寺鏡公房

江亭贈別

寄剡中友人

題吳發原南居

征婦歎

中秋月

寄廣州楊參軍

答太原從軍楊員外送別

送韓校書江西從事

幽上留別令狐侍御

宿裴氏谿居懷厲玄先輩

宿賈島原居

贈別空公

府試觀開元皇帝東封圖

府試水始冰

邊館逢駕秀才

宿王屋天壇

岐陽逢曲陽故人話舊

贈禪僧

題廬山寺

題石甕寺

謁仙觀二首

送朴山人歸新羅

題靜住寺飲用上人房

贈楊先輩

酬李景章先輩

贈祠部令狐郎中

送冊東夷王使

送武陵王將軍

贈鄂縣尉李先輩二首

鮑防員外見尋因書情呈贈

邊將

下第別令狐員外

送春坊董正字浙右歸觀

送和北虜使

書情留別并州從事

酬田卿送西遊

雪中送青州薛評事

哭京兆龐尹

路傍樹

送客南遊

寄襄陽王公子

集宿姚侍御宅懷永樂宰殷侍御

易水懷古

送僧二首

贈友人邊遊回

山中作

出塞詞

寄雲臺觀田秀才

邊上送楊侍御鞫獄回

射雕騎

高司馬移竹

贈前蔚州崔使君

秋思二首

黃神谷紀事

過亡友墓

聞瀑布水折

贈道者

華下逢楊侍御

新春聞赦

送李侍御福建從事

酬刑部姚郎中

送柳秀才往連州看弟

晚眺有懷

山中興作

送皇甫協律淮南從事

別靈武令狐校書

田氏南樓對月

送宗密上人

白鹿原晚望

失意書懷呈知己

春日尋澹川王處士

補遺

宿陽臺觀

寄金州姚使君員外

早秋宿崔業居處

邪溪書懷寄劉長卿員外

閑居覽史

題鏡湖野老所居

徐侍郎素未相識時攜酒命饌兼命諸詩客同訪會稽山居

山中枉張宙員外書期訪衡門

山中枉皇甫溫大夫見招書

秋日送僧志幽歸山寺

送王道士

期王鍊師不至

題石室山王宇所居

秋日過僧惟則故院

題女道士居

會昌進士詩集

太學博士 馬 戴 虞臣

春思

初日照楊柳玉樓含翠陰啼春獨鳥思望遠佳人心幽怨貯琵琶韶光凝碧林所思曾不見芳草意空深  
送從叔赴南海幕

江行留別

吳楚半秋色色渡江逢葦花雲侵帆影盡風逼鴈行斜返照開嵐翠寒潮蕩浦沙余將何所往海嶠擬營家  
將別寄友人

客行

帝鄉歸未得辛苦事騎遊別館一罇酒客程千里秋霜楓紅葉寺夜雨白蘋洲長恐此時淚不禁和恨流  
過野叟居

荅光州楊使君

野人閑種樹樹老野人前居止白雲內漁樵滄海邊呼兒採山藥放犢飲溪泉自著養生論無煩憂暮年  
信來淮上郡楚岫入秦雲自顧為儒者何由荅使君蛻風蟬半失阻雨鴈頻聞欲識平生分他時別紀勲

下第再過崔邵陽居

豈無故鄉路路遠未成歸關內相知少海邊來信稀離雲空石穴芳草掩郊扉謝子一留宿此心聊息機  
夕次淮口

天涯秋光盡木末羣鳥還夜久遊子息月明岐路閑風生淮水上帆落楚雲間此意竟誰見行行非故關  
落日悵望

孤雲與歸鳥千里片時間念我一何滯辭家久未還微陽下喬木遠色隱秋山臨水不敢照恐驚平昔顏  
早發故山作

雲門夾峭石石路蔭長松谷響猿相應山深水復重餐霞人不見採藥客猶逢猶宿靈潭側時聞岳頂鐘  
下第別鄒秩

窮途別故人京洛泣風塵在世即應老他鄉又欲春平生空志學晚歲拙謀身靜話歸休計唯將海上親  
寄終南真空禪師

閑想白雲外了然清淨僧松門山半寺夜雨佛前燈此境可長住浮生自不能一從林下別瀑布幾成冰  
長安贈賈島

歲暮見華髮平生志不空孤雲不我棄歸隱與誰同枉道紫宸謁妨栽丹桂叢何如隨野鹿棲止石品中  
秋郊夕望

度鳥向棲急陰蟲逢夜多餘霞媚秋漢迴月濯滄波蔓草將萎絕流年其奈何耿耿然搖落思獨酌不成歌

贈越客

故國波濤隔明時已久留書雙闕晚看月五陵秋南棹何時返長江憶共游遙知釣船畔相望在汀洲  
送顧非熊下第歸江南

無成西別秦返駕江南春草際楚田鴈舟中吳苑人殘雲掛絕島迴樹入通津想到長洲日門前多白蘋  
汧上勸舊友

斗酒故人同長歌起北風斜陽高壘閉秋角暮山空鴈叫寒流上螢飛薄霧中坐來生白髮況復久從戎  
送狄叅軍赴杭州

新官非次受聖主寵前勲關雪發車晚風濤挂席聞海門山疊翠湖岸郡藏雲執簡從公後髯參豈勝君  
過故人所遷新居

金馬詔何晚茂陵居近修客來雲雨散烏下梧桐秋迴漢銜天闕遙泉響御溝坐看涼月上為子一淹留  
落照

照曜天山外飛鴉幾共過微紅拂秋漢片白透長波影促寒汀薄光殘古木多金霞與雲氣散漫復相和  
宿崔邵池陽別墅

楊柳色已改郊原日復低烟生寒渚上霞散亂山西待月人相對驚風鴈不齊此心君莫問舊國去將迷  
楚江懷古三首

露氣寒光集微陽下楚丘猿啼洞迴樹人在水蘭舟廣澤生明月蒼山夾亂流雲中君不降竟夕自悲秋

驚鳥去無際，寒蛩鳴我傍。蘆洲生早霧，蘭隰下微霜。列宿分窮野，空流注大荒。看山候明月，聊自整雲裝。  
野風吹蕙帶，驟雨滴蘭橈。屈宋魂冥寞，江山思寂寥。陰霓侵晚景，海樹入迴潮。欲折寒芳薦，明神詎可招。

遠水

蕩漾空沙際，虛明入遠天。秋光照不極，鳥影去無邊。勢引長雲斷，波輕片雪連。汀洲杳難到，萬古覆蒼烟。

夕發郊寧寄從弟

半酣走馬別，別後鎖邊城。日落月未上，鳥棲人獨行。方馳故國戀，復愴長年情。入夜不能息，何當聞此生。

贈別北客

君生游俠地，感激氣何高。飲盡玉壺酒，贈留金錯刀。鴈關飛霰雪，鯨海落雲濤。決去如征鳥，離心空自勞。

夜下湘中

洞庭人夜別，孤棹下湘中。露洗寒山偏，波搖楚月空。密林飛暗狖，廣澤發鳴鴻。行值揚帆者，江分又不同。

送呂郎中牧東海郡

假道經淮泗，檣烏集隼旗。蕪城沙荻接，波島石林疎。海鶴空庭下，夷人遠岸居。山鄉足遺老，佇聽薦賢書。

山行偶作

緣危路忽窮，投宿值樵翁。鳥下山含暝，蟬鳴露滴空。石門斜月入，雲竇暗泉通。寂寞生幽思，心疑舊隱同。

已江夜猿

日飲已江水，還啼已岸邊。秋聲巫峽斷，夜影楚雲連。露滴青楓樹，山空明月天。誰知泊船者，聽此不能眠。

送田使君牧蔡州

主意思政理牧人官不輕樹多淮石地山遠汝南城望稼周田隔登樓楚月生懸知蔣亭下渚鶴伴閑行  
崔臺怨

魏宮歌舞地蝶戲鳥還鳴玉座人難到銅臺雨滴平西陵樹不見漳浦草空生萬恨盡埋此徒懸千載名  
早發故園

語別在中夜登車離故鄉曙鐘寒出岳殘月迎凝霜風柳條多折沙雲氣盡黃行逢海西鴈零落不成行  
贈別江客

湘中有岑穴君去掛帆過露網兼葭廣潮迴島嶼多汀洲延夕照楓葉墜寒波應便同漁者生涯許釣歌  
宿翠微寺

處處松陰滿樵開一徑通鳥歸雲聲靜僧語石樓空積翠含微月遙泉韻細風經行心不厭憶在故山中  
霽後寄白閣僧

蒼翠靈高雪西峯鳥外看久披山衲壞孤坐石牀寒盥手水泉滴燃燈夜燒殘終期老雲嶠煮藥伴中餐  
送僧歸金山寺

金陵山色裏蟬急向秋分迴寺橫洲島歸僧度水雲夕陽依盡岸清磬隔潮聞遙想禪林下鑪香帶月焚  
新秋雨霽宿王處士東郊

夕陽逢一雨夜木洗清陰露氣竹窗靜秋光雲月深煎嘗靈藥味話及故山心得意雨不寐微風生玉琴

關山曲 二首

金甲耀兜鍪黃金拂紫騮叛羌旗下戮陷壁夜中收霜霰戎衣故關河磧氣秋前瘡殊未合更遣擊蘭州  
火發龍山北中宵易左賢勒兵臨溪水驚鴈散胡天水落防河急軍孤受敵偏猶聞漢皇怒按劍待閒邊

塞下曲 二首

旌旗倒北風霜霰逐南鴻夜救龍城急朝焚虜帳空骨銷金鏃在鬢改玉關中却想義軒氏無人尚戰功  
廣漠雲凝慘日斜飛霰生燒山搜猛獸伏道擊迴兵風折旗竿曲沙埋樹杪平黃雲飛旦夕偏奏苦寒聲  
廣陵曲

葱龍桂樹枝高繫黃金羈葉隱青蛾翠花飄白玉墀上鳴聞關鳥下醉遊俠兒煬帝國已破此中都不知  
送人遊蜀

別離楊柳陌迢遞蜀門行若聽清猿後應多白髮生虹蜺侵棧道風雨雜江聲過盡愁人處烟花是錦城  
宿無可上人房

稀逢息心侶細話遠山期河漢秋深夜杉梧露滴時風傳林磬響月掩草堂遲坐卧禪心在浮生皆不知  
旅次夏州

嘶鴻發相續行次夏王臺鎖郡雲陰莫鳴笳燒色來霜繁邊上宿鬢改磧中迴帳望胡沙曉驚蓬朔吹催  
同莊秀才宿鎮星觀

杳杳星河落霏苔復灑松濕光微泛草石翠澹搖峯野觀雲和月秋城漏閒鐘知君親此境九陌少相逢

鶴雀樓晴望

堯女樓西望人懷太古時海波通禹鑿山木閉虞祠爲道殘虹掛龍潭返照移行雲如可馭萬里赴心期  
贈淮南將

何事淮南將功高業未成風濤辭海郡雷雨鎮山營度磧黃雲起防秋白髮生密機曾制敵憂國是論兵  
塞色侵旗動寒光鎖甲明自憐心有作獨立望專城

寄賈島

海上不同來關中俱久住尋思別山日老盡經行樹志業人未聞時光鳥空度風悲漢苑秋雨滴秦城暮  
佩玉與鏗金非親亦非故朱顏枉自毀明代空相遇歲晏各能歸心知舊歧路

湘川吊舜

伊予生好古弔舜蒼梧間白日坐將沒游波凝不還九疑雲動影曠野竹成斑鴈集蒹葭渚猿啼霧露山  
南風吹早恨瑤瑟怨長閑元化誰能問天門恨久關

送僧歸閩中舊寺

寺隔海山遙帆前落葉飄斷猿通楚塞驚鷺出蘭橈星月禪波島烟蘿渡石橋鐘聲催野飯秋色落寒潮  
舊社人多老閑房樹半彫空林容病士歲晚待相招

寄遠

坐想親愛遠行嗟天地闊積疹甘毀顏沈憂更銷骨迢迢游子心望望歸雲沒喬木非故里高樓共明月

夜深秋風多聞鴈來天末

經咸陽北原

秦山曾共轉秦雲自舒卷古來爭雄圖到此多不返  
野狹穴孤墳農人耕廢苑川長波又逝日與歲俱晚  
夜入咸陽中悲吞不能飯

冬日寄洛

英華作河

中揚少尹

黃河岸柳衰城下度流澌年長從公懶天寒入府遲  
家山望幾遍魏闕赴何時懷古心誰識應多謁舜祠  
浙江夜宿

落帆人更起露草滿汀洲遠欲啼荒嶠孤螢溺漫流  
積陰開片月爽氣集高秋去去胡為戀寒芳時一游  
寄西岳白石僧

挂錫中峯樹經行踏石梯雲房出定後岳月在池西  
峭壁殘霞照欹松積雪齊年年著山屐曾得到招提  
同州冬日陪吳常侍閑宴

中天白雲散集客郡齋時陶性聊飛爵看山忽罷碁  
雪花凝始散木葉脫無遺靜裏良多暇招邀愜所思  
答鄜時友同宿見示

為客自堪悲風塵日滿衣承明無計入舊隱但懷歸  
雪積孤城暗燈殘曉角微相逢喜同宿此地故人稀  
題僧禪院

虛室焚香久禪心悟幾生  
瀘泉侵月起掃徑避蟲行  
樹隔前朝在苔滋廢渚平  
我來風雨夜像設一燈明

懷故山寄賈島

心偶姜明代學詩觀國風自從來闕下未勝在山中  
丹桂日應老白雲居久空誰能謝時去聊與此生同  
灞上秋居

灞原風雨定晚見鴈行頻落葉他鄉樹寒燈獨夜人  
空園白露滴孤壁野僧鄰寄卧郊扉久何門致此身  
寄崇德里居作

埽君園林地澤我清涼襟高鳥雲路晚孤蟬楊柳深  
風微漢宮漏月迴秦城砧光景坐如此徒懷經濟心  
河梁別

河梁送別者行哭半非親此路足征客胡天多殺人  
金蟲照離思寶瑟凝殘春早晚期相見垂楊彫復新  
留別定襄盧軍事

行行與君別路在鴈門西秋色見邊草軍聲聞戍聲  
酣歌擊寶劍躍馬上金堤歸去咸陽里平生志不迷  
送杜秀才東遊

羈遊年復長去日值秋殘草出函關白雲藏野渡寒  
鴻多霜雪重山廣道途難心事何人識斗牛應數看  
懷黃頗

有客南浮去平生與我同炎州結遠思芳杜採應空  
秦鴈歸侵月湘猿戲裏楓期君翼明代未可戀山中  
隴上獨望

斜日挂邊樹蕭蕭獨望閒陰雲藏漢壘飛火照胡山  
隴首行人絕河源夕鳥還誰為立勳者可惜寶刀閒

長安書懷

歧路今如此還堪慟哭頻關中成久客海上老諸親谷口田應廢鄉山草又青年年銷壯志空作獻書人

邯鄲驛樓作

蕪沒叢臺久清漳廢御溝蟬鳴河外樹人在驛西樓雲燒天中赤山當日落秋近郊經戰後處處骨成丘  
別家後次飛狐西即事

遠歸從此別親愛失天涯去國頻迴首方秋不在家鳴蛩聞塞路冷鴈背龍沙西次桑乾曲洲中見蓂花  
題青龍寺鏡公房

一室竟何有開門為我開爐香寒自滅履雪飯初迴窗迴孤山入燈殘片月來禪心方比地不必訪天台  
邊城獨望

聊憑危堞望倍起異鄉情霜落蕙葭白山昏霧露生河灘胡鴈下戎壘漢聲驚獨樹殘秋色狂歌淚滿纓  
江亭贈別

長亭晚送君秋色渡江濱衰柳風難定寒濤雪不分猿聲離楚峽帆影入湘雲獨泛扁舟夜山鐘可卧聞  
旅次寄賈島蕙簡無可上人

相思邊草長迴望水連空鴈過當行次蟬鳴復客中壯年看即改羸病計多同儻宿林中寺深憑問遠公  
寄剡中友人

故人今在剡秋草意如何嶺暮雲霞雜潮迴島嶼多沃洲僧幾訪天姥客誰過歲晚偏相憶風生隔楚波